

Oqaaseqaatit naliginnaasut

Siunnersuutigineqarpoq, ukiumut aningaasarsiorfiusumut 2004-imut Kalaallit Nunaanni tunngaviusumik ilinniarfinni ilinniartunut aningaasarsiat akileraaruteqaataasussat naatsorsorneqalerpata appartinneqassasut, imaalillugu ilinniagaqartup ilinniagaqarnermini akissarsiai aningaasaarsiatut B-tut naatsorsorneqarnerisa annertoqataannut.

Inuit Inunnik isumaginnittunngorniarlutik ilinniagaqartut, Peqqinnissamik siammarsaasutut ilinniagaqartut, Savaatilittut inuussutissarsiorfiusumut ilinniagaqartut kiisalu ilinniagaqartut atuarfimmit sulinikkut misiliisinneqartunut maleruagassaq atortinneqanngilaq taakku ilinniagaqarnerisutit pisartagariinnassavaat taamaasillutillu aningaasarsiat B-t akileraaruserneqartussaannngitsut akileraa-rutitigut nalinga annaasaqaatigissanngimmassuk.

Siunnersuutigineqarpoq, maleruagassaq ukiumut aningaasarsiorfiusumut 2004-imut killilerlugu tamaallaat atuutsinneqassasoq Naalakkersuisut isumaqarmata maleruagassaq ukiumut tulluuttunut pisariaarutissasoq ukioq 2005-imiit ilinniagaqartut pineqartut tamarmik akileraarutitigut oqilisaassiffigineqarnerat 4.000 kr.-ip missaani nalilik sunniuteqalissammat, Inatsisartut ukiumut aningaasarsiorfiusumut 2005-imut akileraarutitigut ilanngaatit il.il. siunnersuutigineqartutut akuersissu-tigissappassuk.

Kalaallit Nunaanni takornarianik angallassisartutut umiarsuaatillit nunani allani takornarianik angallassisartutut umiarsuaatillittut ingerlatsisunut Kalaallit Nunaata imartaani avataaniluunniit angallassisunut unammillersinnaanerat qulakkeerumallugu siunnersuutigineqarpoq, Kalaallit Nunaanni inunnik angallassisutitut umiarsuarni, Dansk Internationalt Skibsregisterimi nalunaarsorsimasumi inuttatut sulisunut, akileraaruteqaatasussaq tamarmiusoq appartinneqassaaq DIS-i malillugu akissarsiat annertoqataannut naapertuuttunngorlugu. DIS-i malillugu akissarsiat imatut paasineqassapput, inunnik angallassisutitut umiarsuarmi Dansk Internationalt Registerimi nalunaarsorsimasumi inuttatut sulinermi akissarsiat.

Umiarsuaq Kalaallit Nunaanni selskabimit pigineqarlunilu ingerlanneqartoq akileraartarnikkut Kalaallit Nunaanni angerlarsimaffeqartutut inissisimaannassaaq Dansk Internationalt Skibsregisterimi nalunaarsorneqaraluarpalluunniit, sumiluunniit angerlarsimaffeqartutut nalunaarsorneqarnera apeqqutaatinnagu.

Inatsisissatut siunnersuut Ineqarnermut attaveqarnermullu pisorta qarfirmut, Kultureqarnermut, ilinniartitaanermut, ilisimatusarnermut ilageeqarnermullu pisorta qarfirmut, Aningaasaqarnermut pisorta qarfirmut aammalu Kanukokamut, tusarniaassutigineqareerpoq taakkulu siunnersuummut oqaaseqaateqarsimanngillat.

Inatsisissatut siunnersuutip aningaasatigut ajunaarutaasinnaanerani kinguneqartussatut naatsorsuutigineqanngilaq, tassa takornarianik angallassinertup

pineqartup sunniutissaasa maleruagassat maannamut atuuttut naapertorlugit kalaallinit inuttalerneqarnaviannngimmata taamatullu ilinniagaqartut aningaasarsiaminnit akileraaruteqaataasussanit aningaasarsiat B-t akileraaruserneqanngitsut annertoqataannik millisaavigineqarsimassagaluar mata maannamut ilinniagaqarnermi tapersiisar-nermi maleruagassaasut atuutsiinnarneqaraluar pata. Aningaasaqarnermut inatsimmi imaluunniit kommunit missingersuusiaanni ukiumut aningaasarsiorfiusumut 2004-imut allannguutissatut pineqartut iluanaaruteqarfiusussatut naatsorsuutitut ilanngunneqarsimannngillat. Ilinniartunut allannguuteqartitsisoqanngippat naatsorsuutigineqassaaq landskarsimut kommuninullu katillugit 2 mio. kr.-it missaanni aningaasartuuteqannginnerunissaq.

Inatsisissatut siunnersuutip ilinniagaqartut siunnersuummi pineqartut pillugit maleruagassanilu nutaani pineqartunut ukiumut aningaasarsiorfiusumut 2004-imut aningaasarsianit akileraarusersuilernermi angissusiliinerni annikikkitsuinnarmik allaffissornikkut suliaasaqartitsinerulaassaaq.

Inatsisissatut siunnersuutip maleruagassaanut ataasiakkaanut oqaaseqaatit

§ 1, nr. 1-imut

Siunnersuutigineqarpoq, ukiumut aningaasarsiorfiusumut 2004-imut Kalaallit Nunaanni tunngaviusumik ilinniartitsivinni ilinniagaqartunut, aningaasarsiat akileraaruteqaataasussat naatsorsorneqalerpata appartinneqassasut imaalillugu, ilinniagaqartup ilinniagaqarnermini akissarsiai aningaasar-siatut B-tut naatsorneqarnerisa annertoqataannut.

Ilinniagaqartoq katissimappat aapparisanilu ataatsimut akileraarusigaappata, taava aappariit aningaasarsiaannut akileraaruteqaataasussat appartinneqassapput, soorlumi ilinniagaqartup ilinniagaqarnermini akissarsiai aningaasarsiatut B-tut naatsorneqarnerisa annertoqataannut.

Inuit Inunnik isumaginnittunngorniarlutik ilinniagaqartut, Peqqinnissamik siammarsaasutut ilinniagaqartut, Savaatilittut inuussutissarsiorfiusumut ilinniagaqartut kiisalu ilinniagaqartut atuarfimmit sulinikkut misiliisinneqartunut maleruagassamut pineqartumut ilaatinneqanngillat, ilinniagaqartunut taakkununnga ilinniagaqarnerisiut akissarsiaat aningaasarsiatut B-tut ingerlaannassammat.

§ 1, nr. 2-imut

Siunnersuutigineqarpoq, maleruagassaq inunnut, umiarsuarni Dansk Internationalt Skibsregisterimi nalunaarsorsimasuni inuttatut sulisunut, akileraarutissat tamarmiusut akissarsiat taakkua akileraarutitaannut naapertuuttumik annertussusilinnik appartinneqassasut, aammattaaq umiarsuarnut inunnut angallassissutini, takornarianillu angallassissutini inuttanut allanut atortinneqalissasoq, angallassineq Kalaallit Nunaata imartaaniippat avataaniippalluunniit apeqqutaatinnagu. Maleruagassaq inunnut Kalaallit Nunaannut tamakkiisumik akileraartussaaitanut aammalu killilimmik akileraartussaaitanut atuutsinneqassaaq.

Takornarianik angallassineq ima paasineqassaaq, siumut pilersaarusiugaanngitsumik inunnik angallassineq, umiarsualivimmiit umiarsualivimmut allamut pingaarnertutillugu inunnik angallassinerunngitsoq. Ilaasunut pingaarnertut siunertaagajuttarpoq nuannaariarneq imaluunniit qasuersarneq, taamatuttaaq umiarsuarmut ilaaneq namminermini takornariarnertut pilerinartuutinneqartarluni. Takornarianik angallassinermik nassuiaateqarneq taamaasilluni umiarsualivimmiinnermut aamma umiarsuit takornarianik angallassissutit ilaasunik angallassinerannut akileraarutit pillugit Inatsisartut inatsisaanni § 1, imm. 2-imut nassuiaatigineqarneranut assinguvoq.

Umiarsuaq inunnik angallassissut piffissap ilaani takornarianik angallassiunnaarluni umiarsualivimmiit umiarsualivimmut allamut ilaasunik angallassissutitut atorineqaleraangat angalassinerit taama ittut aqqissuussinermut matumunnga atuutsinneqanngillat, angallassinernilu taama ittuni angallassinermi akissarsiat akileraarutitik A-nik unerartitsineqartassalluni.

§ 2-imut

Siunnersuutigineqarpoq inatsit juunip aallaqqaataani 2004-mi atuutsinneqalissasoq ukiorlu aningaasarsiorfiusoq 2004 aallarnerfigalugu atuuttuulersinneqalerluni, ilinniagaqarnersiuteqarnermut taarsiullugu ilinniarnermi akissarsiaqalerneq januarip aallaqqaataaniit 2004-mi atuutilersinneqarnera pissutigalugu.